



Broj: 05-3369-14/23
Sarajevo, 13.06.2024. godine

Na osnovu člana 23. Zakona o Agenciji za bankarstvo Federacije BiH („Službene novine Federacije BiH“, broj: 75/17), člana 16. stav (1) tačka g) Statuta Agencije za bankarstvo Federacije BiH („Službene novine Federacije BiH“, broj: 3/18), člana 64. stav (1) tačka b), članova 69. stav (2) tačka d) i 70. stavovi (4) i (6) Zakona o javnim nabavkama („Službeni glasnik BiH“, broj: 39/14 i 59/22) i člana 8. stav (2) tačka d) Pravilnika o uspostavljanju i radu Komisije za nabavke („Službeni glasnik BiH“, broj: 103/14 i 49/23), a na osnovu preporuke Komisije za nabavke iz Zapisnika o pregledu i ocjeni ponuda broj: 05-3369-13/23 od 12.06.2024. godine, direktor Agencije za bankarstvo Federacije BiH donosi

ODLUKU **o poništenju postupka javne nabavke usluga**

Član 1.

I Stavlja se van snage Odluka o izboru najpovoljnijeg ponuđača, broj: 05-3369-7/23 od 08.03.2024. godine.

II Na osnovu Zapisnika o pregledu i ocjeni ponuda, broj: 05-3369-13/23 od 12.06.2024. godine, poništava se postupak javne nabavke usluga odnosa sa javnošću i kriznog komuniciranja za potrebe Agencije za bankarstvo Federacije BiH (u daljem tekstu: Ugovorni organ) obzirom da nijedna primljena ponuda nije prihvatljiva.

Član 2.

Odluka će biti objavljena na internetskoj stranici Ugovornog organa: www.fba.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa odredbama člana 70. stav (6) i člana 71. stav (2) Zakona o javnim nabavkama.

Član 3.

Za izvršenje ove Odluke zadužuje se i ovlašćuje Sektor zajedničkih funkcija.

OBRAZLOŽENJE

Odlukom o pokretanju postupka nabavke, broj: 05-3369/23 od 17.08.2023. godine, odobreno je provođenje postupka javne nabavke usluga odnosa sa javnošću i kriznog komuniciranja za potrebe Ugovornog organa. Javna nabavka provedena je putem otvorenog postupka, a kao kriterij za izbor najpovoljnije ponude odabrana je najniža cijena. U skladu sa članom 35. Zakona o javnim nabavkama, Obavještenje o nabavci broj: 3010-1-2-326-3-66/23 objavljeno je na Portalu javnih nabavki (www.ejn.gov.ba) dana 17.11.2023. godine, a sažetak Obavještenja o nabavci u „Službenom glasniku BiH“, broj: 80/23 dana 24.11.2023. godine. Procijenjena vrijednost predmetne javne nabavke utvrđena je u iznosu od 145.000,00 KM, bez uračunatog poreza na dodanu vrijednost (PDV).

U skladu s Rješenjem Ugovornog organa, br. 05-3369-2/23 od 04.12.2023.godine, imenovana je Komisija za javne nabavke, kojim su definisane njene nadležnosti, a koje, između ostalog, uključuju poslove javnog otvaranja ponuda, pregled i ocjena dostavljenih ponuda, sačinjavanje zapisnika o pregledu i ocjeni ponuda, te davanje preporuke Ugovornom organu za donošenje odluke o izboru ponuđača.

Slijedom navedenog, Komisija je u okviru svojih nadležnosti i ovlaštenja provela predmetni postupak javne nabavke, te o tome sačinila Zapisnik o pregledu i ocjeni ponuda, br. 05-3369-6/23 od 29.02.2023.godine, u kojem je konstatovano da su u predmetnom postupku javne nabavke pravovremeno pristigle ukupno 3 (tri) ponude, te je na osnovu izvršenog pregleda i ocjene dostavljenih ponuda donesena Odluka o izboru najpovoljnijeg ponuđača, broj: 05-3369-7/23 od 08.03.2024. godine.

Na Odluku o izboru najpovoljnijeg ponuđača, broj: 05-3369-7/23 od 08.03.2024. godine, dana 22.03.2024.godine, zaprimljena je žalba ponuđača u postupku.

Ured za razmatranje žalbi BiH, Filijala Mostar je po osnovu navedene žalbe donio Rješenje broj: JN2-03-07-1-956-7/24 od 10.05.2024. godine, kojim je djelimično usvojena žalba te stavljena van snage Odluka o izboru najpovoljnijeg ponuđača broj: 05-3369-7/23 od 08.03.2024. godine i postupak je vraćen Ugovornom organu na ponovno odlučivanje.

Temeljem navoda zaprimljenog Rješenja ureda za razmatranje žalbi, a u skladu sa članom 68. stav (3) Zakona o javnim nabavkama („Službeni glasnik BiH“, broj: 39/14 i 59/22), izvršene su dodatne aktivnosti u postupku a koje se odnose na pojašnjenje ponude, a sve u cilju utvrđivanja materijalne istine i stvarnog činjeničnog stanja.

Nakon izvršenog pojašnjenja ponude izabranog ponuđača, Komisija je izvršila detaljnu analizu dostavljenog pojašnjenja, sačinila Zapisnik o pregledu i ocjeni ponuda broj: 05-3369-13/23 od 12.06.2024. godine, te je na osnovu izvršene analize i ocjene ponuda i pojašnjenja u pogledu kvalifikacijskih i cjenovnih uslova postupka javne nabavke, Komisija utvrdila sljedeće:

- Ponude ponuđača: „Aquarius“ d.o.o. Banja Luka, „Herman in partnerji SK“ d.o.o. Ljubljana i „ZPR Agencija“ Sarajevo su neprihvatljive, obzirom da iste ne ispunjavaju sve uslove koji su propisani Tenderskom dokumentacijom te nisu dostavljeni svi dokazi zahtijevani Tenderskom dokumentacijom na propisan način.

Dakle, uvidom u priloženu dokumentaciju, ponudu kao i detaljno pojašnjenje ponude, vidljivo je da ponuda ponuđača „Herman in partnerji SK“ d.o.o. Ljubljana je naknadno ocijenjena kao neprihvatljiva, te je Komisija dala preporuku da se, saglasno članu 69. stav (2) tačka d) Zakona o javnim nabavkama poništi postupak javne nabavke obzirom da nijedna od primljenih ponuda nije prihvatljiva.

U postupku donošenja ove Odluke posebno su cijenjene činjenice da je Komisija za nabavke pravilno i potpuno izvršila ocjenu kvalificiranosti ponuđača, te pregled i ocjenu ponude, u skladu sa kriterijima iz Tenderske dokumentacije.

Uvažavajući naprijed navedeno, primjenom člana 25., člana 69. stav (2) tačka d), člana 70. stavovi (1), (4) i (6) Zakona o javnim nabavkama, te člana 8. stav (2) tačka d) Pravilnika o uspostavljanju i radu Komisije za nabavke, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti žalba Ugovornom organu – Agenciji za bankarstvo Federacije BiH, najkasnije u roku od 10 (deset) dana od dana prijema ove Odluke, saglasno članovima 97., 99. i 101. Zakona o javnim nabavkama.



Žalba se izjavljuje Uredu za razmatranje žalbi/Kancelariji za razmatranje žalbi – Filijala/Podružnica Mostar, putem Ugovornog organa, u pisanoj formi, direktno ili preporučenom poštanskom pošiljkom. Žalba se podnosi u najmanje 3 (tri) primjerka.


DIREKTOR
Jasmin Mahmužić

Dostaviti:

1. Ponuđačima u postupku;
2. Sektor zajedničkih funkcija;
3. a.a.



Zmaja od Bosne 47b,
71000 Sarajevo,
Bosna i Hercegovina



T ++ 387 (33) 72 14 00
F ++ 387 (33) 66 88 11



E agencija@fba.ba
W www.fba.ba

